

a. n. 150 10

II. 829

Ye
4950

VERA
SITTAVIAE,
REGIAE SUPERIORIS
LUSATIAE ΕΞ ΑΠΟ-
ΛΕΩΣ URBIS, PATRIAE
SUAE SIBICARISSIMAE,
EFFIGIES,

Pictore

AUGUSTO JUSTO MISENO;
Bon. Art: p. t. Lipsia. Studioso.

ANNO SALUTIS.

M. DC. XII.

UNIVERSITÄTS-BIBLIOTHEK
HALLE
(SAALE)

BIBLIOTHECA
POMERANICA

ZITTAVIAE

Excudebat Johannes Venator.

(+204 4442)



VIRIS

Magnificis, Amplissimi-
mis, Consultissimis,

DN: ALBERTO ENGELMANNO.

DN: MARTINO HOPSTOKIO.

DN: DAVIDI GEBHARDO.

COSS:

DN: SIGISMUNDO KINDLERO.

SYNDICO

&

Reliquis Regiæ Sittaviensium.

Reipub. SENATORIBUS

DIGNISSIMIS,

PATRIÆ PATRIBUS, ET PATRONIS SUIS.

Hanc Patriæ cariss.

Effigiem.

*Qualem qualem animi grati notulam
humiliter offert.*

A. J. M.



SITTAVIA.

Nescio, qua natale solum dulcedine cordis
Interiora levet; queis nescio viscera
flammis

Excitet, aut teneras, quibus hauariat osse medullas.

Non reprobādus amor; non casta hæc flammula casto

Laudis amore caret; nec inutilis illa voluptas.

Ethnica namq; retrò videas monumenta, videbis

Quid Patriæ communis amor: quid iura requirant:

Quidq; tot invictos tristi cum funere victos

Merserit in præsens, invicta mente, periculum:

Quid generosa virum tot pectora adire labores

PRO PATRIA innumeros, scriptisve extollere

laudes

Urserit, & seræ monumenta relinquere genti:

Scilicet innatum est hoc omnibus, omnibus idem

Est amor, & natalis humus, ceu sanguine juncta,

A 2

Ven-

Vendicat ingenij sibi dotes, vendicat artes,
Vendicat ulterius, vitali stamina fuso
Ducere, vel vegetos cum funere fundere tractus.
Me, fateor, totum natura, PATRIA, vinclis
Arctius usq; tibi connectis, ut altera vitæ
Portio, Pars studij, sis metaq; habenda laborum.
Qua ratione tuas cogor depingere laudes
SITTA, tibiq; meos versu testarier ignes.
Da veniam hanc venæ, concepta recludere
mentis.

MOME, nec indignum te carpas iudice carmen.
Non licet hoc nævis careat; tamen undiq; justa
Nec ratione caret, nec abest pia causa labori.
Sic Phyliræ Maior quondam testatus amorem,
Fabricius Mysis: quàmvis ea terra Poëtas
Edidit haud illos, Tu sed mihi dignior illis
SITTA Patrem, genium genijq; alimenta dedisti.
Ut quàmvis genio dictis sim vatibus impar:
Par tamen impulsu, causa sim major utroq;
QUO sita SITTA loci, positum, si limite
recto

Colligat attentus mensor, pars dextera campi
Qua revoluta dies rutilantibus undiq; ab undis

Sur-

Surgit, ad antiquas **SILESORUM** extenditur urbes.
Altera Pars **MYROS**, quæ fessus ab axe ruit Sol,
Annuit; ast **Mediam** qua **Lumen** lumine terram.
Illustrat, claros compendia recta viarum
Flectit ad **BOIOS**; & huic contraria partim
VANDALICOS tibi monstrat agros, **LUSATIA**
partim,
Oppida, quæ nostris majoribus inclyta dicta est
Nissana: ast **MAIOR** reliquis hæc urbibus ha-
rum
Et genere & forma non ultima **SITTA** putanda
est.

ANTE lares Patrios, extructaq; mœnia **SITTE**,
Sylva erat omnis ager; tantum domus unica subter,
Qua jactata viis, & itinere turba, quieti
Membra dabant, & equis subiecto stramine pa-
stum.

COENOBII hinc ingens primum **MANFREDIA**
Conjux

Condebat, donis opulentum, & munere, cuius
Ostia ter centum surgebant, tectaq; cuso
Ære caput summo templi de vertice turris.
Hinc sacris ædes epulis, hinc ariete cæso

Dona Patres soliti festis adponere mensis.
Hoc primum in luco novares oblata: superbis
Regibus omen erat, primos attollere muros
Urbis & extructam longo aggere cingere fossam.
NAMq; ubi post partum non tacta Virginis Anni
Mille viginti aderant, Regis Bojæ, ordine Quinti
OTTOGAR I ductu, ducto per gramina sulco
Effodere loco signum, quo mænia SITTA
Sunt ferro & gravibus primum circumdata saxis.
Ergo tibi genitrix Manfredia Sittava, SITTA,
Ottogarusq; Pater Nomenq; solumq; dedere.
Ast Pater Altipotens, toto quem corde colebas
Incrementa tulit Regum conjuncta favori.
VIX etenim positis ierant tria secula portis:
Urbs augusta nimisq;, Augustaq; turba colonum
Artificumq; manus, structis modò mænibus am-
plam
Ad latus adjungunt, hodierno ex ordine, partem.
Ut tua nî superet prænobilis oppida Nile:
Oppida Lusatiæ superet tamen omnia terræ
Picta foro, satis ampla vias, sine sorde plateis.
HINC etiam census cui SITTA ferebat, & Urbi
Quæ sacra jura dabat, BOIÆ de sanguine Regum
Tra-

Traducis in morem successu & jure perenni
Regia erat soboles, quam non virtutis egentem
Abstulit atra dies; cuius post funera Virtus
Splendida calabat præclaris marmora gestis.

ADDE quòd Augustis quondam quoq; PATRIA
jure

Cæsaribus subiecta fuit Tibi CAROLE QVINTE.
Regibus atq; Abavis, Tibi MAXMILIANE Mo-
narcha,

Atq; Beate Tibi RODOLPHE secunde, per annos
Ter denos pluresq;. Tuo sub Numine & Umbra,
Ceu tener alarum matris sub tegmine pullus,
Floruit, adversis fortuna & tuta procellis.

Atq; Tuo, ò CÆSAR, vitalis ab ubere succus
Fluxit & est Patriæ teneros diffusus in artus.

Dummodo SITTA Tibi meruit subiecta benignos
Querere, Cæsarea Virtute fideq; receptus.

Omnipotente DEI Magnum sub Numine Numen
More Patrum cessa, satis exantlasse labores

Imperij: tua Sceptra, Tuum diadema, globumq;

Magnanimo committe Viro, Qui sanguine diros
Hostili subito comprehendat cornua tauros,

Atq; potens terebret candenti rostra capistro.

Sic

Sic quoq̄, T E, C Æ S A R, post fata superstite, fati
S I T T A perennis erit, nec huic metuenda pericli
Improba vis; Nomē modo senserit aure R O D O L P H I
Turba mali studiosa, malo suffusa rubore
In caput, inq̄, pedes proprios data damna retexet.
A L T E R A S I T T A V I Æ dicta modò proxima cura
Est Patriæ P A T R I B U S, Patriæ de sanguine lectis
Eximiis pietate Viris, studiisq̄, juvandi
Quos veneranda tegit, pulcri diadematis instar,
Canities, niveis notet ut sub floribus Urbis
Jam florere bonum, jubeatq̄, recondere fructus
Quos sacer autumnus, quos turbaq̄, promptior actis
In commune Bonum, magno cum pondere, mittat.
Quos modò si pictos referat tibi pictor ad ora
Te, certò credas, quondam veneranda videre
Nestoris ora sacri; sed quis, licet arte superbus,
Interiora Virum, queis clarent, munera Vates
Enumerare queat; quem si fecunda sororum
Vena; mei ingenij prohibet me talia stillans
Guttula, cum sacri præclara scientia juris
Tum pietasq̄, Themisq̄, fidesq̄, Paternaq̄, cura
Morigeras Patriæ in soboles, tum vindice flammâ
Ignea mens versus legum qui frena repellunt.

Tur-

Turba frequens Patriæ testaberis incolâ terræ
Omnia, Concordi concordia carior Vrbe,
Atq; Patrum Patriæ, prolisq; reciprocus ardor.
Namq; fide fidi semper confisa senatus
Artificum variata cohors, generosa caterua
Indigenûm in Patriam varijs confluit ab oris.
Utq; ducis sonitus modo cærea castra sequuntur
Filius ac ductu nodum glomerantur in unum.
Sic glomerata manus concordi corde, manuq;
Fussa, ducum lituos, & mores usq; secuta
Omne quod officij lex non violanda requirit
Exequitur: sic fervet opus, sic cuncta beatus
Exitus acta probat, sic stat benedictio factis.
Hinc etiam ordo, Bonum, quo nil reperitur in Vr-
be

Clarius, ante lares & Publica tecta vigorem
Haurit, & ex alijs SITTAM rectè ornat agendo.
Ornat agendo FORUM: sic Paxq; Themisq; fugata
(Ate præclaras spargente duella per Vrbes)
Invicem in amplexus junguntur ab ordine: & or-
do

Arctius ad Patriæ conjungit amore Parentes
Subdita corda Virûm, queis culmina celsa duobus

B

Res

Res parva sursum tolluntur Curia binis
Semper ab adversis floret bene tuta procellis.
Ornat & Ordo SACRAMSITTÆ venerabilis
ÆDEM.

Concio namq̄ frequens fundentis ab ore ministri
In populo sacri succendit Fomitis ignes
Ac fidei verbo flammamq̄ alimenta q̄ subdit.
Concio sed faciles moveat n̄ publica mentes,
Manè sacris pubes precibus se sistit habendis:
Et benediçta DEO tenebrosa silentia noctis
Præterijisse sibi Satana sine fraude doloq̄,
Multa super Patria rogitat, pro CÆSARE mul-
ta

Nil proprij celata mali. Caput inde recenset
Atq̄ secat doctè, quod præbent Biblia, Mystes.
Hinc ubi nona redit, post hora secunda diei;
Ecce Latina cohors Psalmi modulamine laudes
Et Magni pia facta DEI ore & pectore cantat.
Hora ubi quarta leves percussa reverberat auras
Usq̄ iterum ad festas mixtim concurritur aras,
Et prece quod fatis portendunt tempora damnum
Plorat & afflictis longè de finibus arcet
Mens attenda sacris & flexo poplite palma

Or-

Ornat & Ordo facer PATRII sacra viscera Ludi,
Et caput, atq; pedes, pubem præceptaq; docta,
Nil nisi nomen abest, Academia parva meretur
Dicier ante alios Schola præstantissima ludos.
Novit id Illustris Comitum, Generosa Baronum
Nobilis atq; Equitum soboles, quæ castra Sororum
Dietaq; docta virum magna cum laude frequentat.
Novit id extremis versans studiosa juvenus
Finibus Vngariæ, scit idem Austria, Misnia, Boja,
Quæ sua SITTAVIÆ concredit pignora Ludo
Erudienda animos. Tua fama, faventibus Austris,
Rector in Orbe volat, nec sera memoria laudes
Gerlachias unquam merito sine honore relinquet.
Cætera sed sileam, nî forsan vera locutum
Auribus attribuisse aliquid sententia vulgi
Judicet, ac falsi sic criminis arguar insons.
Justiciæ pars est; meritis ornare merentes
Laudibus, ac cuius præstare encomia famæ.
Sic quoq; Fœmineum versu depingere sexum
Mi Themis, & Generis pietas, præstantia formæ
Sedulus atq; labor, laribus quem consecrat, ustos
Ante focos patrijs dum fervet messis in umbris,
Porrigit & calamos mixtos & ab arte colores;

B 2

Sed

Sed pudor aspectu me surripit, atq; rubore
Percita mens tremulos genij mihi deprimit artus.
Attamen eximia, quas fœmina pollice merces
Fixa colo, ductis torrenti è gramine filis
Conficit ac precio peregrinas mittit in oras,
Hæ merita pars laudis erunt, non ultima sexus
Gloria, ad altricis quoq; terræ encomia spectans.
Namq; tibi Phylire dives quod mercibus addit
Institor; hoc Patriæ nec iniquo fœmina lucro.
Hinc quoq; civis agros Sittana suburbia circum
Ceruleum videas lini pallere colorem;
Triticea quàmvis careant nec prole salaces
Glebae, nec patrijs sparsum far desit in agris,
Hordeaq; ingenti mittat cum fenore campus.
Blanda sacrûm streperis nemorum sub frõdibus um-
bra

Nec gelidam fessis cursu negat artibus auram,
Nec varios avium dulci certamine cantus.
Sylva etiam multos paulum truncata per annos
Et patrijs alimenta focis & ligna ministrat:
Queis dulcem lupuli Vulcano decoquit humorem
Ac folijs undam calido despumat abeno
Civis, & urgentis varios vitæ efficit usus.

Hinc

Hinc dat apros, cervasq; agiles, leporesq; fugaces,
Pennigerumq; pecus, quod vis manifesta vel astus
Implicat, & dapibus præbet consumere denti.
Quid Nemora in domibus peregrino flore superba?
Quid sacros referam lucos? qui mœnia circum
Delicijs, ubi floret humus nasumq; oculosq;
Afficiunt, qui, sera redux ubi dicitur æstas,
Grata virum cupidis præbent bellaria buccis.
Sed Bona fortuna quæ fallax omnia fati
Datq; rapitq; fides, modò quæ benè flâtibus Austris
(Ceu tener in campis humili caput exerit herba
Caulis & enato jactat cum flore colorem)
Alta levant sursum magnas ad sydera vires
Dum modò flat tenuis stridensq; Aquilonibus aura
Hisq; adversa fremit, lapsu graviore ruinam
Dant subito & cineres modò quæ viguere, salutant,
Conticuisse juvat, memori ne talia menti
Tristitia nova causa fiet, nec venula carmen
Atq; simul lacrimas tristi profundat ab ore:
Sic Patrios sileam verbis extollere Muros,
Obsita præsidijs loca & undiq; ad æthera turres
Exstructas, quas tempus edax, quas dirimit hostis.
Sic quoq; Pieta fori, sic regia tecta Senatus

Auratasq; trabes, Epicedia & Organa templi
Et decus omne, aliquid clara quod collocat urbi
Nunc retulisse piget. Manet alta mente repostum
Exitium patriæ, diræq; injuria flammæ.
Prædia sic fileam, sic septas aggere villas,
Omnia fortunæ quovis cum tempore blanda
Stentq; cadantq; fide nec quid durabile constet.
Quæ modò si videas, hunc dixeris, omnia in unum
Confluxisse locum, quicquam nec abesse bonorum
Lumina quod pascat, quod nasum, quodq; palatum,
Aut animos veræ pietatis & artis amantes.
Asperitate carent mores, fastuq; coloni,
Fraude doloq; animi: stat candida simplice cultu
Simplicitas populi, tamen haud ignava leporis:
Arte levat miseros, & opis compendia monstrat,
His eris illustris mihi pauper & Advena testis.
Ast una ut reliquum comprehendam voce: Sophorum
Judicio ante alias felix censeberis Urbes
Patria, Te quoniam fidi quia cura Senatus
Cura DEI & Ratio dispansis protegit alis.
Ut licet immineat quidam cum grandine ventus,
Fisa tegente DEO, presenti Numine Patrum
Grandine tuta satis nullo quid læsa periculo

Ho-

Hostibus illudas vanas sine viribus iras.
Te belli furij, & tristi peste solutam
Aurea Pax foveat. Foveat Te Patria Pacem.
Sic Pietas quæ pace viget cum pace vigebit.
Hostis & adversi metuet quid ne clere portis,
Dum pietas agger, concordia fossa, DEUSQ;
Rector erit, Ratio cum legibus arma manusq;
Sic quoq; larga sinu te divite copia pascet:
Dumq; animos Verbo, Musis dum pectora pascis,
Pace lares, sacros cum relligione Penates:
His æterna Vale. Te namq; valente valebit.
In te qui valuit. Qui Te, dum vivet, amabit.

F I N I S.

QKye 4930

QKye

49



An. No. 150 10

V E
 SIT T
 REGIÆ SU
 LUSATIÆ
 ΛΕΩΣΥΡΕ
 SUÆ SIBIC
 E F F I
 Pi
 AUGUSTO JU
Bon. Art: p. t
 ANNO S
 M. D
 ZIT T
 Excudebat Joh



π. 829
 150

